

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 9. Zakona o ministarskim, vladinim i drugim imenovanjima („Službene novine Federacije BiH, broj:12/03, 34/03 i 65/13), članom 5. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona", broj: 20/20 i 14/21) i Kriterija za izbor i imenovanje članova Koordinacionog tijela zaduženog za izradu i provođenje lokalnog akcionog plana na području Zeničko-dobojskog kantona, broj: 02-31-19510/24 od 22.11.2024. godine, a na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 68. sjednici, održanoj dana 21.02.2025. godine, d o n o s i

## **RJEŠENJE**

za izbor i imenovanje članova Koordinacionog tijela zaduženog za izradu i provođenje lokalnog akcionog plana na području Zeničko-dobojskog kantona

### **Član 1.**

#### **(Sastav članova Koordinacionog tijela)**

Imenuju se članovi Koordinacionog tijela zaduženog za izradu i provođenje lokalnog akcionog plana (LAP-a) na području Zeničko-dobojskog kantona za period 2025. – 2030. godine, i to u sastavu kako slijedi:

1. Pašalić Muhamed, Ministarstvo za rad, socijalnu politiku i izbjeglice,
2. Kurtović Emir, Ministarstvo za pravosuđe i upravu,
3. Hadžimejlić Aida, Ministarstvo zdravstva,
4. Skejić Alen, Ministarstvo za obrazovanje, nauku, kulturu i sport,
5. Durmić Ermin, Ministarstvo finansija,
6. Kusić Nejla, Ministarstvo za privredu,
7. Dedić Bilal, Ministarstvo za boračka pitanja,
8. Vukojević Amela, Ministarstvo za prostorno uređenje, promet i komunikacije i zaštitu okoliša,
9. Hajrić Hikmeta, Ministarstvo za poljoprivredu, šumarstvo i vodoprivredu,
10. Ekinović Lejla, Ministarstvo unutrašnjih poslova,
11. Dedić Selvedin, Koalicija organizacija osoba s invaliditetom ZDK,
12. Šekić Amela, Savez udruženja slijepih građana ZDK, i
13. Salković Haris, Kantonalni zavod za pravnu pomoć.

### **Član 2.**

#### **(Administrativno tehnički poslovi)**

Administrativno tehničke poslove za potrebe rada Koordinacionog tijela obavljat će Perić Elizabeta, zaposlena u Ministarstvu za rad, socijalnu politiku i izbjeglice.

### **Član 3.** **(Mandat Koordinacionog tijela)**

Koordinaciono tijelo se imenuje na mandatni period od 4 (četiri) godine, počev od dana stupanja na snagu ovog rješenja.

### **Član 4.** **(Zadatak članova Koordinacionog tijela)**

Zadatak članova Koordinacionog tijela iz člana 1. ovog rješenja jeste izrada četverogodišnjeg lokalnog akcionog plana na području Zeničko-dobojskog kantona za period 2025. – 2030. godine, uključujući i praćenje provedbe akcionog plana, koordinaciju rada sa svim nadležnim institucijama, ustanovama i organizacijama, lokalnim zajednicama na njegovom provođenju, te izrada izvještaja o provedbi lokalnog akcionog plana za Vladu Zeničko-dobojskog kantona i Federalno ministarstvo rada i socijalne politike, a u skladu sa Strategijom za unapređenje prava i položaja osoba sa invaliditetom u Federaciji BiH (2025 – 2030).

### **Član 5.** **(Rok za izvršenje zadataka)**

(1) Obavezuju se članovi Koordinacionog tijela da lokalni akcioni plan za područje Zeničko-dobojskog kantona iz člana 4. ovog rješenja, izrade najkasnije do kraja decembra 2025. godine, a izvještaj o provedbi istog podnesu Vladi Zeničko-dobojskog kantona najkasnije po isteku roka od dvije godine od dana izrade lokalnog akcionog plana.

(2) Ostale zadatke iz člana 4. ovog rješenja članovi Koordinacionog tijela su u obavezi kontinuirano izvršavati i pratiti za sve vrijeme trajanja perioda na koji su imenovani.

### **Član 6.** **(Sredstva za rad i naknade članova Koordinacionog tijela)**

(1) Trošak koji nastane u radu Koordinacionog tijela u vezi održavanja sastanaka snosit će Ministarstvo za rad, socijalnu politiku i izbjeglice.

(2) Članovima Koordinacionog tijela utvrđuje se pravo na naknadu za rad u neto iznosu od po 100,00 KM po sastanku, pod uslovom da je u toku mjeseca održan najmanje jedan sastanak i da se zadaci obavljaju izvan redovnog radnog vremena.

(3) Osoba koja će obavljati administrativno-tehničke poslove za potrebe Koordinacionog tijela ima pravo na naknadu u visini od 70% od naknade koja je utvrđena za jednog člana.

(4) Sredstva za rad Komisije isplati t će se iz Budžeta Zeničko-dobojskog kantona sa razdjela 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 613900, pozicija „Ugovorene i druge posebne usluge”, na račune imenovanih navedene u zahtjevu za isplatu.

(5) Pravo na naknadu se ostvaruje na osnovu prisustva sastanku Koordinacionog tijela i o istom se donosi zapisnik.

(6) Zapisnik se dostavlja ministru Ministarstva za rad, socijalnu politiku i izbjeglice i zahtjev sa nalogom za isplatu naknada Ministarstvu finansija.

**Član 7.**  
**(Stupanje na snagu)**

Rješenje stupa na snagu danom donošenja i objavljuje se u "Službenim novinama Zeničko-dobojskog kantona".

Broj: 02-31-3173/25

Datum, 21.02.2025. godine

Zenica

**PREMIJER**

*Nezir Pivić*

**DOSTAVLJENO:**

- 1x Ministarstvo za rad, socijalnu politiku i izbjeglice,
- 1x Ministarstvo za pravosuđe i upravu,
- 1x Ministarstvo zdravstva,
- 1x Ministarstvo za obrazovanje, nauku, kulturu i sport,
- 1x Ministarstvo unutrašnjih poslova,
- 1x Ministarstvo za boračka pitanja,
- 1x Ministarstvo finansija,
- 1x Ministarstvo za prostorno uređenje, promet i komunikacije i zaštitu okoline,
- 1x Ministarstvo privrede,
- 1x Ministarstvo za poljoprivredu, šumarstvo i vodoprivredu,
- 1x Kantonalni zavod za pravnu pomoć,
- 1x Koalicija organizacija osoba s invaliditetom ZDK (putem Ministarstva),
- 1x Savez udruženja slijepih građana ZDK (putem Ministarstva),
- 1x "Službene novine Zeničko dobojskog kantona", i
- 1x a/a.